

Här Fernand Etgen  
President vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, den 18. Juni 2021

Här President,

Sou wéi d'Chambersreglement et virgesäit, bieden echlech, dës parlamentaresch Fro un den Här Asyl- an Immigratiounsminister an un d'Madamm Justizminister weiderzeleeden.

A leschter Zäit mierkt ee beim Liese vun der Lëtzebuenger Press, dass hei zu Lëtzebuerg ëmmer méi Scheedunge vu Leit aus Eritrea agereecht ginn. Dacks liest een dobäi den Zousaz „sur fondement de l'article 600 du code civil érythéen“. Et fällt beim Liese vun dësen „Avis de divorce“ och op, dass bei ville Koppelen de Wunnuert vun der Fra oder vum Mann net bekannt ass.

An dësem Kontext hätte mir dës Froen un d'Regierung:

- 1) Ginn et genau Donnéeën doriwwer, wéi vill Mënschen aus Eritrea an deene leschte Joren eng Scheedung zu Lëtzebuerg agereecht hunn?
- 2) Kann d'Regierung Grënn nennen, firwat esou vill Mënschen, déi aus Eritrea kommen, zu Lëtzebuerg eng Scheedung areeche?
- 3) Leien der Regierung Donnéeë vir, wat d'Finanzéierung vun dëser Scheedung betrëfft? Sinn zum Zweck vun esou Scheedungen Affekoten iwwer *d'assistance judiciaire* bezuelt ginn? Wa jo, wéi héich wor de Käschtepunkt am Ganzen?
- 4) Huet d'Regierung Informatiounen doriwwer, wéi vill vun dëser Mënschen zu Lëtzebuerg enger regulärer Aarbecht noginn?
- 5) Wéi vill vun dëser Leit kréien, am Moment, wou si sech scheede loossen, hei zu Lëtzebuerg de REVIS (Revenu d'inclusion sociale)? Ginn et Fäll vu Persounen, déi hei am Land de REVIS kréien, obschonns se mat enger Persoun bestuet sinn, déi an Eritrea leeft oder där hiren Openthaltsuert onbekannt ass?
- 6) Leien der Regierung Informatiounen vir, a wéi ville Fäll sech de legale Status vun dëser Leit no der Scheedung verännert huet? Wa jo, a wéi enger Form huet sech an dëser bestëmmte Fäll de legale Status duerch d'Scheidung verännert?
- 7) An Eritrea schéngt de Prozentsaz vu Fraen, déi d'Affer vu Genitalverstümmelung ginn, héich ze sinn. Kann d'Regierung erklären, ob et hei zu Lëtzebuerg een Zesammenhank gëtt tëscht der héijer Scheedungszuel vu Mënschen aus Eritrea an der héijer Zuel vu Fraen, déi an hirem Heemechtsland dës Tortur iwwer sech hu missen ergoe loossen?

- 8) Kann d'Regierung erklären, ob et ganz allgemeng een Zesammenhank tëscht der relativ héijer Zuel vu Bénéficiaires de protection internationale aus Eritrea hei am Land (laut WorldData.info goufen 2019 180 Mënschen aus Eritrea als BPI vu Lëtzebuerg unerkannt, Source:  
<https://www.worlddata.info/europe/luxembourg/asylum.php>) an de Modalitéite vun de Scheedungen hei am Land gëtt? Gëtt et eng Zort vu «Scheidungstourismus» bei der Auswiel vu Lëtzebuerg als méiglecht Asylland?

Mat déiwem Respekt,



Fernand Kartheiser  
Roy Reding  
Deputéierten  
Deputéierten

